



შირაკი

SHIRAKI

გამოდის 1937 წლიდან
დედოფლისწყაროს მუნიციპალიტეტის გაზეთი

№43 (10.002)
20-27 ნოემბერი 2021 წელი
ფასი: 60 თეთრი
ყოველკვირეული გამოცემა

ახალი სკოლა-ოზაანს!



დედოფლისწყაროს მუნიციპალიტეტში საჯარო სკოლების მშენებლობა, რეაბილიტაცია და აღჭურვა უწყვეტ რეჟიმში მიმდინარეობს. ახალი საჯარო სკოლის მშენებლობა მალე სოფელ სოფელ ოზაანში დაიწყება. შენობის პროექტი დედოფლისწყაროს მუნიციპალიტეტის მერს ნიკოლოზ ჯანიაშვილს განათლებისა და მეცნიერების სამინისტროს ინფრასტრუქტურის განვითარების სააგენტოს მიმართულების მენეჯერმა არქიტექტორმა ბიორბი ბაბიდაშრმა გააცნო. "120 მოსწავლეზე გათვლილი ევროპული სტანდარტების შენობა ადაპტირებული იქნება შშმ პირებზე. სკოლას ასევე ექნება ღია ტიპის სპორტული მოედანი"- განაცხადა ნიკოლოზ ჯანიაშვილმა.

დედოფლისწყაროს მუნიციპალიტეტის მერი ნიკოლოზ ჯანიაშვილი და გიორგი გაბიდაური სოფელ ოზაანს ეწვივნენ და ის ადგილი დაათვალიერეს, სადაც უახლოეს მომავალში ახალი სკოლა აშენდება.



როგორ მიიღებენ ვაქცინირებას პენსიონერები მთავრობისგან 200-ლარიან დანამატს

ვაქცინირებას ადამიანთა რაოდენობის გაზრდისა და სიკვდილიანობის მაჩვენებლის შემცირების მიზნით, საპროგრამო საფორმით მიიღო გადაწყვეტილება, ვაქცინაციის ნახალისებისთვის სხვადასხვა სახის კამპანია აწარმოოს.

მათ შორის, 60 წელს ზემოთ მოქალაქეებს, პირველადი აცრის შემთხვევაში, მთავრობა ერთჯერადად 200 ლარით დაეხმარება. საბჭოს გადაწყვეტილებით, პენსიონერები, რომლებიც 1-ელ იანვრამდე ჩაიტარებენ კორონავირუსის საწინააღმდეგო ვაქცინაციას, მთავრობისგან ერთჯერადად 200 ლარის ოდენობით საპენსიო დანამატს მიიღებენ.

დადგენილება 8 ნოემბერს შევიდა ძალაში. როგორც სოციალური მომსახურების სააგენტოს ხელმძღვანელის მოვალეობის შემსრულებელი ლევან გოგოძე აცხადებს, პირველ ეტაპზე, რომელიც მოიცავს 8-15 ნოემბერს, დანამატის მიმღებ ადამიანთა მონაცემები მომსახურების სააგენტოს 15 ნოემბრის დღის ბოლოს გადაეცემა. 5 სამუშაო დღის განმავლობაში კი პენსიონერებს „ლიბერთი ბანკის“ საპენსიო ანგარიშებზე დაერიცხებათ 200 ლარი. დაანგარიშების მომდევნო თარიღი 1 დეკემბერი იქნება. რაც შეეხება 60-დან 65-წლამდე მამაკაცებს, რომლებიც საპენსიო ასაკს არ მიეკუთვნებიან, სოციალური მომსახურების სააგენტოს გადაწყვეტილებით, „ლიბერთი ბანკთან“ გაფორმებული ხელშეკრულების საფუძველზე, ყველა მათგანის სახელზე სოციალური ანგარიში გაიხსნება. ამრიგად, 60-65 წლის მამაკაცები კუთვნილი თანხის მიღებას „ლიბერთი ბანკის“ ნებისმიერ ფილიალში, პირადობის მოწმობით, ყოველგვარი საკომისიოს გარეშე შეძლებენ.

გამომდინარე იქიდან, რომ კამპანია 31 დეკემბრამდე გრძელდება და თარიღები საახალწლო დასვენების დღეებს ემთხვევა, 28-29-30-31 დეკემბერს აცრილი მოქალაქეები საპენსიო დანამატს უკვე 2022 წლის იანვრის დასაწყისში მიიღებენ.

60 წლის ან ზემოთ მოქალაქე, რომელიც უკვე აცრილია პირველი დოზით ან სრულად ვაქცინირებულია და „ბუსტერ დოზას“ იკეთებს, ერთჯერად დანამატს ვერ მიიღებს. 200 ლარს მხოლოდ ის პირები მიიღებენ, ვინც პირველადი დოზით 8 ნოემბრიდან 31 დეკემბრის ჩათვლით აიცრება.



ვის გაეზრდება ხელფასი და სოციალური დახმარება 2022 წლიდან?



„2022 წელს განათლებისა და მეცნიერების დაფინანსებაზე გამოყოფილია 2 091 000 000 ლარი“, — ამის შესახებ ფინანსთა მინისტრმა, ლაშა ხუციშვილმა მომავალი წლის ბიუჯეტის პროექტის გადამუშავებული ვერსიის წარდგენისას განაცხადა.

მისი თქმით, მუნიციპალიტეტების დაფინანსებით სკოლამდელ განათლებაზე მიმართება 380 000 000 ლარზე მეტი, რომლის ფარგლებშიც, საბავშვო ბაღების პერსონალის ხელფასები 100 ლარით გაიზრდება.

„ზოგადი განათლების დაფინანსება შეადგენს 1 360 000 000 ლარს. გამოყოფილი თანხის ფარგლებში, გათვალისწინებულია: საჯარო სკოლებში სტატუსის მქონე მასწავლებელთა დანამატის ზრდა 100 ლარით, საჯარო სკოლების ადმინისტრაციული პერსონალის ხელფასების 10%-იანი ზრდა, სკოლის მანდატურების ხელფასების ზრდა 100 ლარით, სკოლების მშენებლობა-რეაბილიტაციასა და აღჭურვაზე მიმართება — 160,8 მლნ ლარი, პროფესიული განათლების დასაფინანსებლად გამოყოფილია 119 მილიონი ლარი, მათ შორის პროფესიული კოლეჯების მშენებლობა-რეაბილიტაციაზე მიმართება 46 მილიონ ლარზე მეტი, უმაღლესი განათლებისა და მეცნიერების დაფინანსება შეადგენს 232 მილიონ ლარს“, — განაცხადა ფინანსთა მინისტრმა, ლაშა ხუციშვილმა.

ამასთან, მინისტრის განცხადებით მიზნობრივი სოციალური პროგრამების დაფინანსებაზე მომავალ წელს გამოყოფილია ერთ მილიარდ ლარზე მეტი.

როგორც მან აღნიშნა, დაფინანსების ფარგლებში მკვეთრად გამოხატული და 18 წლამდე შეზღუდული შესაძლებლობების მქონე პირთა სოციალური დახმარება იზრდება 25 ლარით, ომში მონაწილე ვეტერანთა 22/44 ლარიანი დახმარება კი იზრდება 100 ლარამდე.

მისი თქმით, მიმდინარე წლის ივლისიდან გაორმაგებული, სოციალურად დაუცველი ბავშვების დახმარების სრული წლის განმავლობაში დასაფინანსებლად დამატებით გამოყოფილია 75 მილიონი ლარი, ბავშვთა ზრუნვის პროგრამების დაფინანსება შეადგენს 52 მილიონ ლარს.

მომავალ წელს მაღალმთიან დასახლებებში დაწესებული სხვადასხვა სოციალური პროგრამებისთვის გამოყოფილია 75 მილიონი ლარი, საპენსიო სქემაში სახელმწიფოს ვალდებულებების დასაფინანსებლად მიიმართება 250 მილიონი ლარი, მუნიციპალიტეტების მიერ დაფინანსებული სოციალური პროგრამების მოცულობა შეადგენს 280 მილიონ ლარს.

რეალურ პირობებში მართვის მოწმობის გამოცდის ჩაბარება 2022 წლის აპრილიდან საგადასახდელი ხდება

პარლამენტის რეგარეშე სესიაზე შინაგან საქმეთა მინისტრის მოადგილემ, ალექსანდრე დარაბევიძემ წარადგინა „საგზაო მოძრაობის შესახებ“ კანონში შესატანი ცვლილებების კანონპროექტი. კანონპროექტის მიხედვით, ცვლილებები შეეხება მართვის მოწმობის აღების გამოცდებს. დახურულ მოედანზე გამოცდის ჩაბარების გარდა, მართვის მოწმობის აღების მსურველს გამოცდის ჩაბარება რეალურ, ქალაქის პირობებშიც მოუწევს. ალექსანდრე დარაბევიძის თქმით, ეს ცვლილება უცხოეთში მცხოვრებ სა-

ქართველოს მოქალაქეებს მისცემს ქართული მართვის მოწმობების ევროპულ მართვის მოწმობებში გადაცვლის საშუალებას.

„აღნიშნული ცვლილებების [მართვის მოწმობის აღება რეალურ პირობებში] შემდეგ, ჩვენი საზღვარგარეთ მცხოვრები მოქალაქეებისთვის ჩნდება საშუალება, რომლითაც შესაძლებელი იქნება ქართული მართვის მოწმობის ევროპული ქვეყნების მართვის მოწმობებში გადაცვლა... დახურულ მოედანზე გამოცდის ჩაბარებასთან ერთად, რასაც მართვის მოწმო-

ბის მსურველები დღეს გადიან, დამატებით მას მოუწევს მინისტრის ბრძანებით განსაზღვრულ მარშრუტზე რეალურ პირობებში გამოცდის ჩაბარება“ — ამბობს შინაგან საქმეთა მინისტრის მოადგილე.

როგორც დარაბევიძემ ამბობს, ახალი კანონპროექტის ფარგლებში, მოხდება გამოცდის პროცესის ვიდეო და აუდიო ჩანერა.

„რათა არ გაჩნდეს რაიმე კითხვები გამოცდის პირობებში ჩვენ შემოგვაქვს რეგულაცია, რომლითაც მოხდება გამოცდის ჩანერა ჩანერა, აუდიო-ვიდეო გადაღება. თუკი გამოცდის შედეგები კონკრეტული მხარის მხრიდან გასაჩივრდება, მას საშუალება ექნება, რომ გაეცნოს გამოცდის ჩაბარების პროცესს“ - თქვა დარაბევიძემ.

შინაგან საქმეთა მინისტრის მოადგილე შეეხო მართვის მოწმობის ასაღები გამოცდისთვის გადასახდელი თანხის ოდენობასაც.

„ვინაიდან ხდება ახალი მომსახურების დაწესება, კანონში უნდა მოხდეს შესაბამისი ღირებულებების განსაზღვრა. ვინაიდან პრაქტიკული გამოცდის ახალი კომპონენტი დაემატა, განისაზღვრა, რომ B და BE კატეგორიისთვის ეს იქნება 90 ლარიანი გადასახადი, თუმცა დანარჩენი გადასახადი, რაც დაკავშირებულია თეორიულ გამოცდასთან და მის დახურულ სივრცეში ჩატარებასთან, ამ შემთხვევაში თანხა არ იზრდება და კვლავ 40 ლარი იქნება, რომლის სანაცვლოდაც ადამიანს, რომელსაც გამოცდის გავლა სურს,

შეეძლება გაიაროს პრაქტიკული გამოცდა და დახურულ მოედანზე მისი ჩაბარების შესაძლებლობა 5-ჯერ ექნება. რაც შეეხება სხვა კატეგორიებს, რეალურ, ანუ ქალაქის პირობებში გადასახადი წესდება 150 ლარის ოდენობით და დაახლოებით 1 წლის განმავლობაში თუკი გამოცდას ვერ ჩააბარებს, მას საშუალება ექნება განმეორებით გავიდეს გამოცდაზე“. - დაამატა შინაგან საქმეთა მინისტრის მოადგილემ.

დარაბევიძის თქმით, მართვის მოწმობის B და BE კატეგორიებზე რეალური პირობებში გამოცდის ჩატარება საგადასახდელი 2022 წლის 14 მარტიდან იქნება, ხოლო დანარჩენ კატეგორიებზე 2022 წლის 3 ოქტომბრიდან.

„რაც შეეხება რეალურ, ქალაქის პირობებში მართვის მოწმობის პრაქტიკული გამოცდის გადატანას, B და BE კატეგორიებისთვის საგადასახდელი იქნება 2022 წლის 14 მარტიდან, მანამდე ძველი წესი იმოქმედებს. სხვა ყველა დანარჩენისთვის 2022 წლის 3 ოქტომბრიდან“ - თქვა ალექსანდრე დარაბევიძემ.

ამავე კანონპროექტის ფარგლებში, შინაგან საქმეთა მინისტრის მოადგილე მოხდებისა და საშუალო სიმძლავრის მოტოციკლების რეგისტრაციასთან მათი მართვის მოწმობების აღებასთან დაკავშირებულ ცვლილებებსაც შეეხო.

„საგზაო მოძრაობის შესახებ“ კანონში შესატანი ცვლილებათა პროექტს პარლამენტი დღეს პირველი მოსმენით იხილავს.



„თეთრი ქარავენის ბილიკის“ მოწყობა დასრულდა

არხილოსკალოს ინტერპრეტირებული ტურისტული მარშრუტი „თეთრი ქარავენის ბილიკი“ მოწყობა. მისი განხორციელება მოხდა პროექტის „ბიოსფერული რეზერვატის, როგორც ადგილობრივ დონეზე ინკლუზიური და მდგრადი განვითარების მოდელის დაარსება კახეთის რეგიონში“ ფარგლებში, RECC-ის (The Regional Environmental Center for the Caucasus) დახმარებითა და ევროკავშირის ფინანსური მხარდაჭერით.

„თეთრი ქარავენის ბილიკი“ არის 1,4 კილომეტრიანი ინტერპრეტირებული ტურისტული მარშრუტი, რომლის ძირითად კონცეფციას წარმოადგენს ცხვრის გადარეკვის არამატერიალური კულტურული მემკვიდრეობა.

მარშრუტში მოთხრობილია 15 წლის ახალგაზრდა მეცხვარის, ტატეს ისტორია, რომელიც შორეულ მინებზე პირველად მოგზაურობს და ახალი კულტურის, გარემოსა და ხალხის შესწავლისა და შემეცნების დაუოკებელი სურვილი ამოძრავებს, სურს გამოსცადოს, აღმოაჩინოს და გამოიკვლიოს ის ისტორია და ყოფა, რომლის შესახებაც წინაპრებისგან და უფროსი თაობისგან გამუდმებით ესმოდა.



არბოშიკში საზოგადოებრივი ინფრასტრუქტურის მოწყობა მიმდინარეობს

დედოფლისწყაროს მუნიციპალიტეტის ადმინისტრაციულ ერთეულებში საზოგადოებრივი ინფრასტრუქტურის მოწყობა აქტიურ რეჟიმში მიმდინარეობს.

სოფელ არბოშიკში შიდა საავტომობილო გზის სარეაბილიტაციო სამუშაოები დედოფლისწყაროს მუნიციპალიტეტის მერმა ნიკოლოზ ჯანიაშვილმა მოადგილესთან, დავით ფხოველიძემთან და ინფრასტრუქტურის სამსახურის უფროსთან, სოლომონ ლორაშვილთან ერთად დაათვალიერა.

პროექტის ფარგლებში აღნიშნული გზის 800 მეტრიან მონაკვეთზე დაიგება ასფალტის საფარი და მოწყობა სანიაღვრე სისტემა.

სამუშაოების ღირებულება 474 178 ლარს შეადგენს.



„შირაქის“ ფოსტა

რეაქციაში პენსიონერების წერილი მოვიდა. ისინი „ლიბერთი ბანკის“ დადოფლისწყაროს ფილიალის ხელმძღვანელობისგან ნიკორ-ციხის ქუჩაზე ბანკომატის დატოვებას ითხოვდნენ.

წერილის ტექსტს უცვლელად გთავაზობთ:

ქალაქ დედოფლისწყაროს ელიის მხარეს და ე.წ. კამიშოვკის დასახლების მცხოვრები პენსიონერები იძულებულნი ვართ, მოგმართოთ თხოვნით იმის შესახებ, რომ შევინარჩუნდეს ლიბერთი ბანკის ბანკომატი.

საქმე იმაში გახლავთ, რომ ჩვენს მხარეს, ნიკორციხის ქუჩაზე 44 ნომერში „ლიბერთი ბანკს“ დადგმული ჰქონდა ბანკომატი, რომლითაც ვსარგებლობდით ამ მხარეს მცხოვრები პენსიონერები პენსიის აღების დროს. გარდა იმ ფაქტისა, რომ ბევრ პენსიონერს შორ მანძილზე გადაადგილება უჭირს, ეს ბანკომატი სხვა პრობლემასაც გვიგვარებდა, კერძოდ: სხვა ბანკომატებში პენსიის ასაღებად მისულებს საათობით რიგში გვიწევდა დგომა, აქ კი 10-15 წუთში ვიღებდით, სხვა ბანკომატებში ფული არ იყო, აქ კი მაგისი პრობლემა იშვიათად თუ გვანუხებდა.

ამჟამად აღნიშნული ბანკომატი გაჩერებულია. გვეუბნებიან, რომ საერთოდ უნდა აიღონ და სხვაგან წაიღონო. ეს ფაქტი ცუდად იმოქმედებს ჩვენზე, ძალიან გაგვიჭირდება პენსიის აღება.

გთხოვთ, თქვენი კომპეტენტურობის ფარგლებში, იქნებ ჩაერიოთ და სთხოვთ „ლიბერთი ბანკის“ ხელმძღვანელობას პენსიონერების სახელით, რომ დატოვონ აღნიშნული ბანკომატი და არ წაიღონ სხვაგან.

პატივისცემით:

1. გიორგი ფიროსმანაშვილი
2. კუკური ოზაშვილი
3. მარინა კობაიძე
4. გელა ბენაშვილი
5. ნათელა გოგიშვილი
6. თამილა გონიაშვილი
7. შალვა ძნელაშვილი
8. ამბაკო შამანიძე
9. ქეთევან გოგოჭური
10. არსენა ლუდუშაური
11. ციციანო ნიკლაური
12. ხვთისო ნიკლაური და სხვები.

პ.ს. იმედია, „ლიბერთი ბანკის“ ხელმძღვანელობა გაითვალისწინებს პენსიონერების თხოვნას და ბანკომატს შეუნარჩუნებს.



მედიკამენტების ფასის რეგულირებასთან დაკავშირებული საკითხები განიხილეს

მედიკამენტების ფასის რეგულირებასთან დაკავშირებული საკითხები განიხილეს ჯანდაცვის სამინისტროში. ჯანდაცვის სამინისტროს ინფორმაციით, შეხვედრას სამინისტროსა და რეგულირების სააგენტოს ხელმძღვანელი პირები, კონსულტაციის სააგენტოს, პარლამენტის და ჯანმრთელობის მსოფლიო ორგანიზაციის წარმომადგენლები ესწრებოდნენ.

ჯანდაცვის მინისტრმა ეკატერინე ტიკაბრაძემ აღნიშნა, რომ წამლის ფასი მოსახლეობისთვის ძალიან დიდ ტვირთს წარმოადგენს და ჯანდაცვის სამინისტრო აღნიშნული პრობლემის აღმოსაფხვრელად აქტიურ რეჟიმში იწყებს მუშაობას.

„დღევანდელი ჩვენი შეხვედრის მთავარი მიზანი იყო როგორც წამლის ხარისხი, ასევე წამლის ფასი, რომელიც უკვე წლებია ძალიან დიდ ტვირთს წარმოადგენს ჩვენი მოსახლეობისთვის და ასევე, ზოგადად ჯანდაცვის სისტემისთვის. ამასთან დაკავშირებით ჯანდაცვის სამინისტროში მუშაობა 2019 წლის შემდეგ მიმდინარეობს. აქტიურად არის ჩართული ჯანდაცვის კომიტეტი, რომელიც მუშაობდა წამლის კანონის ნაწილზე, ასევე მსოფლიო ჯანდაცვის ორგანიზაცია, რომელმაც შეისწავლა ბაზარი და დადო არაერთი მნიშვნელოვანი რეკომენდაცია ამასთან მიმართებაში.“

ჩვენთვის ასევე მნიშვნელოვანი იყო დაგვენახა ამ ბაზრის პრობლემა სხვა ქრილიში და აქედან გამომდინარე ჩავრთეთ კონკურენციის სააგენტო, რომელმაც უკვე დაასრულა თავის ხედვებზე მუშაობა, მათ აქვთ მკაფიო 11 რეკომენდაცია. დღეის შემდეგ ჩვენ, სამუშაო ჯგუფების ფორმატში, გავაგრძელებთ უკვე თითოეული მხარის მხრიდან დანახული პრობლემატიკის შეფერვას და ამის მიხედვით უკვე გავიტანთ იმ მნიშვნელოვან კანონს, რომელიც აისახება ჩვენი მოქალაქეების კეთილდღეობაზე, როგორც წამლების ფასის, ასევე ხარისხის კუთხით“ - განაცხადა ეკატერინე ტიკაბრაძემ.

შეხვედრას ჯანმრთელობის მსოფლიო ორგანიზაციის რეგიონალური დირექტორი სილვესტრო ლომინძა ესწრებოდა.

სილვიუ დომენტემ განმარტა, რომ ჯანმრთელობის მსოფლიო ორგანიზაციის მიერ ჩატარებული ფინანსური ანალიზის მიხედვით, მოსახლეობის ჯიბიდან გადახდების 70% სწორედ მედიკამენტებზე მოდის.

„მედიკამენტების ფასი ძალიან მნიშვნელოვანი საკითხია არამარტო საქართველოში, არამედ მთელს რეგიონში და გლობალურად. ჯანმრთელობის მსოფლიო ორგანიზაციამ ფინანსური ანალიზი გააკეთა, რამაც აჩვენა, რომ მოსახლეობის ჯიბიდან გადახდების ძალიან დიდი ნაწილი სწორედ მედიკამენტებზე მოდის. ასევე შევისწავლეთ მედიკამენტების შესყიდვისა და მომარაგების ნაწილი. მედიკამენტების ფასის რეგულირება პირველ ეტაპზე, რა თქმა უნდა საკანონმდებლო ცვლილებებს მოითხოვს, აქედან გამომდინარე ჯანდაცვის სამინისტროსა და პარლამენტს ჯანდაცვის კომიტეტთან ერთად მოსამზადებელი სამუშაოები დაიწყეთ, რაც ფასისა და ხარისხის დარეგულირებას ისახავს მიზნად და თანხვედრაშია ევროპის კანონმდებლობასთან“, - აღნიშნა „ჯანმო“-ს რეგიონალურმა დირექტორმა.

საქართველოს კონკურენციის ეროვნული სააგენტოს თავმჯდომარე ირაკლი ლეჟინაძემ აღნიშნა, რომ სააგენტოს მიერ მომზადებული 11 რეკომენდაციის მიზანი სწორედ, მომხმარებლის მხრიდან, მედიკამენტებზე განეული დანახარჯების მნიშვნელოვანი შემცირებაა.


„მაღლობა დევნილთა, შრომის, ჯანმრთელობისა და სოციალური დაცვის სამინისტროს შეხვედრის ორგანიზებისთვის, ყველა დაინტერესებულ მხარეს ჩართულობისთვის, მხარდაჭერისთვის. ჩვენ გამოუთქვამთ მზადყოფნას, დარგის ექსპერტებთან, დაინტერესებულ პირებთან, ბაზარზე მოქმედ კომპანიებთან, დარგის მარეგულირებელთან ერთად განვიხილოთ, ჩავერთოთ სამუშაო ჯგუფის მუშაობაში, რომ წარმოდგენილი რეკომენდაციები შესაბამისად აისახოს საკანონმდებლო ცვლილებებში“, - განაცხადა ირაკლი ლეჟინაძემ.

პარლამენტის ჯანდაცვის კომიტეტის თავმჯდომარის დიმიტრი ხუნდაძის თქმით, წამლის ფასის რეგულირების ნაწილზე მუშაობა ერთ წელზე მეტია რაც მიმდინარეობს.

„ჩვენ მოვახდინეთ არსებული საკანონმდებლო ბაზის რევიზია, რომელიც ამ მიმართულებას არეგულირებს. ეს კანონმდებლობა არის 2009 წელს მიღებული და მოძველებული. ამიტომ ჩვენ, როგორც ადგილობრივ, ასევე ევროპულ ექსპერტებთან ერთად შევიძუშავეთ ახალი საკანონმდებლო ბაზა, რომელიც იქნება უფრო მეტად დახვეწილი და ის უზრუნველყოფს, რომ ამ სექტორში ბაზარი იყოს დარეგულირებული და გახდეს შესაძლებელი, რომ მედიკამენტი ქვეყანაში იყოს ხარისხიანი, უსაფრთხო და ხელმისაწვდომი“, - აღნიშნა დიმიტრი ხუნდაძემ.

შეხვედრაზე მოხდა სამუშაო ჯგუფის დაკომპლექტება, რომელიც წამლის ფასის რეგულირებასთან დაკავშირებით კონკრეტულ ინიციატივებს შეიმუშავებს, რასაც საბოლოოდ საკანონმდებლო სახე მიეცემა. პროცესში აქტიურად იქნება ჩართული სამედიცინო და ფარმაცევტული საქმიანობის რეგულირების სააგენტო.

Georgia e-Health — რა არის და როდის ამოქმედდება ქართული Covid-პასპორტი



უნწყებათაშორის საკოორდინაციო საბჭოსთან არსებული ოპერაციული შტაბის უფროსის, გიორგი ლიბრაძის თქმით, საქართველო მიუერთდა ციფრული კოვიდ-პასპორტების ერთიან სივრცეს, რომელშიც ამ მომენტისთვის განვერთანებულია 49 ქვეყანა. შესაბამისად, საქართველოს მიერ გაცემული კოვიდ-სერტიფიკატები ვაქცინაციის, ინფექციის გადატანის და PCR ტესტირების შესახებ, ევროკავშირის ერთიან სივრცეში ჩაერთვება. ბიორბი ლიბრაძის ცნობით, კოვიდ-სერტიფიკატით სარგებლობისთვის, მოქალაქეებს app store-დან და google store-დან შესაბამისი აპლიკაციის გადმოწერა შეუძლიათ, სახელწოდებები - Georgia e-Health.

„დასრულდება ყველა ტექნიკური სამუშაო ამ დაერთებასთან დაკავშირებით და 17 ნოემბრიდან ჩვენ უკვე სრულფასოვნად ვიქნებით ჩართული ერთიან სისტემაში. იმისთვის, რომ ვისარგებლოთ ამ კოვიდ-სერტიფიკატით, შეგვიძლია გადმოვწეროთ app store-დან და google store-დან შესაბამისი აპლიკაცია, რომელსაც ჰქვია Georgia e-Health, გავიაროთ საკმაოდ მარტივი რეგისტრაცია და ყველა ინფორმაცია ჩვენს შესახებ, რომელიც უკავშირდება ჩვენს ვაქცინაციას, PCR ტესტირებას და კოვიდ-ინფექციის გადატანას, ავტომატურად განდება ჩვენს ტელეფონებში. ამ აპლიკაციის მეშვეობით, რომელიც წამოიღებს ჩვენს QR კოდებს, შევძლებთ ჩვენი სტატუსის დადასტურებას“, - განაცხადა გიორგი ლიბრაძემ.

აღსანიშნავია, რომ საქართველოში არ იქნება კორონავირუსის გადატანის ვადაზე შეზღუდვა ისე, როგორც სხვა ქვეყნებშია. „იყო მოსაზრება, რომ გადატანილებზე ყოფილიყო ექვსთვიანი შეზღუდვა, მაგრამ ჩემი რეკომენდაცია იყო, რომ ეს შეზღუდვა მოგვეხსნა და საბჭომ გაიზიარა, ამიტომ, მწვანე სტატუსი ექნება პირს, ვისაც გადატანილი აქვს კორონავირუსი“ - განაცხადა პრემიერმინისტრმა. ჩოვიდ-ბარათებს მატერიალური სახით, ხელმოწერით და ბეჭდით იუსტიციის სახლებში მიიღებთ, ასევე, ნებისმიერ იმ დაწესებულებაში, რომელიც ტესტირებას ან/და აცრას აკეთებს. ამისთვის მხოლოდ პირადობის მოწმობა გჭირდებათ. ჩოვიდ-ბარათში ასახულია როგორც ვაქცინაციის გაკეთების დრო და ადგილი, ასევე, ვირუსის გადატანის და ჩატარებული ჩოვიდ-ტესტირების შესახებ ინფორმაცია. გარდა ამისა, მოქალაქეებს ვებგვერდიდან - ჩოვიდპას.მოპ.გოვ.გე პირადი მონაცემების შეყვანის შემდეგ შეუძლიათ შტრიხკოდის სახით საკუთარი ჩოვიდ-სტატუსის ჩამოწერა. რამდენიმე დღეში ჩაეშვება სპეციალური აპლიკაცია, ის ახლა ტესტირების რეჟიმშია.

„ეს აპლიკაცია დაკავშირებულია ჩვენს, დაავადებათა კონტროლის ცენტრის ორ ბაზასთან: იმუნიზაციის ბაზა და ჩოვიდლაბ ბაზა, სადაც ყველა დიაგნოსტიკური ანუ ლაბორატორიულად დადასტურებული შემთხვევა ფიქსირდება. სწორედ ამ ბაზებიდან ამოიღებს აპლიკაცია ინფორმაციას“ - ამბობს NCDC-ის დირექტორი, ამირან ბაძეშელაშვილი.

მომიღურ აპლიკაციაში განთავსდება კერძო პირის მწვანე სტატუსი, რაც მოიცავს:

- ვაქცინაციის სტატუსს
- PCR ტესტების ჩატარების ისტორიას
- ანტიგენ-ტესტის ჩატარების ისტორიას
- SARS-CoV-2-ით ინფიცირების ისტორიას

ასევე გიორგი ლიბრაძის თქმით, რადგან საქართველო ერთიან ელექტრონულ კოვიდსივრცეს 17 ნოემბრიდან მიუერთდება, აქამდე აღებული კოვიდპასპორტები არ იქნება ასახული ერთიან სისტემაში. „კოვიდპასპორტები ვალიდური იქნება მხოლოდ ხვალიდან, ანუ 17 ნოემბრიდან. სამწუხაროდ, ადრე გაცემულ კოვიდპასპორტებზე სისტემა არ ვრცელდება, ამიტომ სისტემაში მხოლოდ ხვალიდან გაცემული კოვიდპასპორტები იქნება ასახული. იმ პირებმა, ვინც საზღვარგარეთ აპირებენ გამგზავრებას, აუცილებლად უნდა განახლონ კოვიდპასპორტი“ - ამბობს გიორგი ლიბრაძე. მისი თქმით, იგივე მოთხოვნა ვრცელდება ყველა იმ ცნობაზე, რომლებიც გაცემულია ამცრელი ან ტესტირების დაწესებულებების მიერ.

ევროკომისიამ საქართველოს კოვიდ-პასპორტების აღიარების შესახებ გადაწყვეტილება მიიღო



ევროკომისიამ მიიღო გადაწყვეტილება საქართველოს კოვიდ-პასპორტების აღიარების შესახებ. ამის შესახებ ინფორმაციას საქართველოს საგარეო საქმეთა სამინისტრო ავრცელებს.

მათივე ცნობით, შესაბამისი დოკუმენტი კომისიის ვებ-გვერდზე ცოტა ხნის წინ გამოქვეყნდა. აღნიშნული გადაწყვეტილების თანახმად, საქართველოს მოქალაქეები, რომლებიც ფლობენ ვაქცინაციის სრული კურსის ჩატარების სერთიფიკატს, შეძლებენ ევროკავშირის ტერიტორიაზე გადაადგილებას.

საგარეო უწყების ცნობით, საქართველოს მიერ გაცემული კოვიდ-სერტიფიკატი ვაქცინაციის, ტესტირებისა და კოვიდისგან გამოჯანმრთელების შესახებ აღიარებულია ევროკავშირის მიერ და გათანაბრებულია ევროკავშირის შესაბამისი რეგულაციით გაცემულ სერტიფიკატებთან, რომლის მიზანია ადამიანთა თავისუფალი გადაადგილების ხელშეწყობა ევროკავშირის ტერიტორიაზე. ევროკომისიის გადაწყვეტილება ძალაშია გამოქვეყნებისთანავე და ასევე, ასკენის, რომ საქართველო უერთდება ევროკავშირის ციფრული კოვიდ-სერტიფიკატის სისტემას.

ევროკომისიამ საქართველოსთან ერთად მოლდოვას, სერბეთის და ახალი ზელანდიის კოვიდ-პასპორტებიც აღიარა.

საქართველოში ვიზიტით ნატო-ს გაერთიანებული ძალების საწვრთნელი ცენტრის ახალი მეთაური იმყოფებოდა

საქართველოში სამუშაო ვიზიტით ნატო-ს გაერთიანებული ძალების საწვრთნელი ცენტრის (JFTC) ახალი მეთაური, გენერალ-მაიორი ნორბერტ ვაგნერი იმყოფებოდა.

თავდაცვის სამინისტროს ინფორმაციით, ვიზიტი მიზნად ისახავდა საქართველოს თავდაცვის ძალების შესაძლებლობების, განსაკუთრებით, ნატო-საქართველოს წვრთნებისა და შეფასების ერთობლივი ცენტრის (JTEC) ფუნქციონირებისა და თანამშრომლობის სამომავლო გეგმების გაცნობას.

გენერალ-მაიორ ნორბერტ ვაგნერს ნატო-საქართველოს წვრთნებისა და შეფასების ერთობლივი ცენტრი (JTEC) მასპინძლობდა.

„ვიზიტის ფარგლებში ნატოელმა გენერალმა შეხვედრები გამართა თავდაცვის ძალების მეთაურის მოადგილეებთან, გენერალ-მაიორ ზაზა ჩხაიძესა და ბრიგადის გენერალ ირაკლი ჭიჭინაძესთან. თავდაცვის ძალებისა და ნატო-საქართველოს წვრთნებისა და შეფასების ერთობლივი ცენტრის ხელმძღვანელმა პირებმა JFTC -ის მეთაურს ვიზიტისა და მხარდაჭერისთვის მადლობა გადაუხადეს. შეხვედრებზე საუბრის ძირითად თემებს საქართველოს თავდაცვის ძალებში მიმდინარე რეფორმები, ნატო-საქართველოს წვრთნებისა და შეფასების ერთობლივი ცენტრის (JTEC) შესაძლებლობების განვითარება და ნატო-სთან თავსებადობის გაზრდა, ასევე, 2022 წელს საქართველოში დაგეგმილი ნატოს-საქართველოს ერთობლივი სწავლების ორგანიზება წარმოადგენდა.

საქართველოში სამდღიანი ვიზიტის განმავლობაში, ნატო-ს გაერთიანებული ძალების საწვრთნელი ცენტრის მეთაური ვაზიანში საბრძოლო მომზადების ცენტრს (CTC) ეწვია. გენერალ-მაიორი ნორბერტ ვაგნერი საერთო საჯარისო ცენტრის ტერიტორიაზე უწყებათშორისი სწავლება „დიდგორი 21“-ის მიმდინარეობა-საც გაეცნო და ვაზიანში სწავლების სავსე კომპონენტი დაათვალიერა.

JTEC-მა პოლონეთში მდებარე ნატო-ს გაერთიანებული ძალების სასწავლო ცენტრთან (JFTC) მჭიდროდ თანამშრომლობა 2017 წლიდან მენტორული პროგრამის საფუძველზე დაიწყო. მენტორული ურთიერთობები JTEC-ის ნატო-საქართველოს 2019 წლის სწავლების წარმმართველი (ODE) ფუნქციის შესასრულებლად მომზადებას ისახავდა მიზნად. 2020 წელს JTEC-სა და ნატო-ს გაერთიანებული ძალების სასწავლო ცენტრს (JFTC) შორის პარტნიორობის შეთანხმება გაფორმდა.

დოკუმენტი ხელს უწყობს JTEC-ის, როგორც NATO-სთან აფილირებული ერთ-ერთი სრულფასოვანი საწვრთნელი ცენტრის განვითარებას, - ნათქვამია უწყების მიერ გავრცელებულ ინფორმაციაში.



უწყებათშორისი სწავლება „დიდგორი 2021“ დასრულდა



„უწყებათშორისი სწავლება „დიდგორი 2021“, რომელიც საქართველოს მასშტაბით 14 ლოკაციაზე პარალელურად მიმდინარეობდა, მონაწილე უწყებების წარმომადგენელთა დაჯილდოვებით დასრულდა. ამის შესახებ ინფორმაციას თავდაცვის სამინისტრო ავრცელებს.

უწყების ინფორმაციით, „დიდგორი 2021“-ის საპატიო დაფები და კოინები მონაწილეებს თავდაცვის ძალების მეთაურმა, გენერალ-მაიორმა ბიორბი მათიაშვილმა და სწავლების ხელმძღვანელმა, ბრიგადის გენერალმა ჯონი ტატუნაშვილმა გადასცეს.

„თავდაცვის ძალების მეთაურმა სწავლებაში ჩართულ მონაწილეებს პროფესიონალიზმის, აქტიურობისა და გამოჩენილი ინიციატივებისთვის მადლობა გადაუხადა და აღნიშნა, რომ სწავლება მაღალ დონეზე აღსრულდა და დასახულ მიზანს უკმაყოფილება.

საომარ და კრიზისულ სიტუაციაში სამთავრობო უწყებებს შორის კოორდინაციის გაღრმავება და ურთიერთქმედების დახვეწა, ჰიბრიდულ გამოწვევებთან, მონიწილადმდევის საინფორმაციო ზეგავლენის ოპერაციებთან და დეზინფორმაციასთან გამკლავება „დიდგორი 2021“-ის მთავარი მიზნები იყო. „დიდგორი 2021“ წელს მერვედ ჩატარდა. საქართველოს პრემიერ-მინისტრის განკარგულებით, მისი დაგეგმვისა და აღსრულების პროცესს პირველად სრულად ხელმძღვანელობდა თავდაცვის ძალები.

წლებანდელი „დიდგორი“ ბევრი სიახლით და მრავალფეროვნებით იყო გამოჩეული, მათ შორის მასში პირველად გათამაშდა სავსე კომპონენტები, მოხდა რეზერვისტების გამოძახება და მათი სავსე მომზადება, გაიმართა თავდაცვის ძალებისა და შსს-ს სხვადასხვა ქვედანაყოფის ერთობლივი სავსე წვრთნები, რეალურად გათამაშდა ლოჯისტიკური მხარდაჭერის ელემენტები, სწავლებაში პირველად გამოიყენეს ახალი სიმულაციური სისტემები VBS3.

მომავალ წელს სწავლებაში რეალურად მიიღებენ მონაწილეობას სხვადასხვა უწყების ხელმძღვანელი პირები, - აღნიშნულია ინფორმაციაში.

თავდაცვის მინისტრმა ევროპაში აშშ-ის სპეციალური ოპერაციების ძალების მეთაურს უმასპინძლა

საქართველოში პირველი სამუშაო ვიზიტით ევროპაში აშშ-ის სპეციალური ოპერაციების ძალების სარდალი იმყოფება. ამის შესახებ ინფორმაციას თავდაცვის სამინისტრო ავრცელებს.

მათივე ინფორმაციით, გენერალ-მაიორ დევიდ ტაბორს საქართველოს თავდაცვის მინისტრმა უმასპინძლა.

„ჯუანშეარ ბურჭულაძემ ამერიკულ მხარეს განგრძობითი, მრავალმხრივი და მზარდი მხარდაჭერისთვის მადლობა გადაუხადა. გენერალ-მაიორ დევიდ ტაბორის საქართველოში ვიზიტი აშშ-ის თავდაცვის მდივნის ლოდ ოსტინის ვიზიტისას ორი ქვეყნის თავდაცვის უწყებებს შორის გაფორმებული საქართველოს თავდაცვისა და შეკავების გაძლიერების ინიციატივის განხორციელების პრაქტიკულ ნაბიჯს წარმოადგენს და საქართველოს სპეციალური ოპერაციების ძალების შემდგომ განვითარებას ისახავს მიზნად, რაც ტოტალური თავდაცვის ფარგლებში ქვეყნის მედეგობისა და წინააღმდეგობის განვითარების შესაძლებლობების განვითარებას ემსახურება.

შეხვედრის ფარგლებში, მხარეებმა ასევე განიხილეს თავდაცვის ძალებში მიმდინარე და დაგეგმილი მოდერნიზაციის პროცესი და საქართველო-აშშ-ს შორის თავდაცვის სფეროში მიმდინარე ერთობლივი პროექტები.

დღესვე, გენერალ-მაიორი დევიდ ტაბორი საქართველოს თავდაცვის ძალების მეთაურს, გენერალ-მაიორ გიორგი მათიაშვილს შეხვდა. მხარეებმა ყურადღება საქართველოსა და აშშ-ის ევროპის სარდლობას შორის არსებულ მჭიდრო თანამშრომლობაზე გაამახვილეს და იმედი გამოთქვეს, რომ მომავალში თანამშრომლობა კიდევ უფრო გაღრმავდება. გენერალ-მაიორ გიორგი მათიაშვილის განცხადებით, ევროპაში აშშ-ის სპეციალური ოპერაციების ძალების მხარდაჭერა, ერთობლივი სწავლებები და აქტივობები საქართველოს სპეციალური ოპერაციების ძალების განვითარებისა და მოდერნიზაციის პროცესში არსებითი მნიშვნელობისაა, - აღნიშნავენ უწყებაში.



ტრაპიზონის ლიტერატურულ ფესტივალზე, ტარიელ ხარხელაშუს ფესტივალის უმაღლესი ჯილდო გადაეცა

ტრაპიზონში, რიგით მესამე ლიტერატურულ ფესტივალზე, ძარბიელ პოეტს ტარიელ ხარხელაშუს ფესტივალის უმაღლესი ჯილდო „პოეზიის ცოცხალი ლეგენდი“ ორდენი გადაეცა.

ორგანიზატორების ინფორმაციით, თურქეთის რესპუბლიკის ტრაპიზონის საერთაშორისო ლიტერატურული ფესტივალის საზოგადოება „უთქე“-ის და შავი ზღვის მწერალთა კავშირის ინიციატივით, ტრაპიზონში რიგით მესამე ლიტერატურული ფესტივალი გაიხსნა, სადაც მონაწილეობას იღებდნენ 18 ქვეყნის წარმომადგენლები, მათ შორის: იტალიიდან, ირანიდან, იაპონიიდან, აზერბაიჯანიდან და სხვ.

„აღსანიშნავია, რომ წლევანდელი ფესტივალი საქართველოს და გამოჩენილ ქართველ პოეტს ტარიელ ხარხელაშუს მიეძღვნა. 12 ნოემბერს ტრაპიზონის საერთაშორისო ლიტერატურული ფესტივალის ორგანიზატორთა მიერ საქართველოდან საპატიო სტუმრების სტატუსით მიწვეულნი იყვნენ პოეტი ტარიელ ხარხელაშვილი და გორის სახელმწიფო სასწავლო უნი-

ვერსიტეტის რექტორი გიორგი სოსიაშვილი. ლიტერატურული ფესტივალის დაჯილდოების ცერემონიალს ტრაპიზონის მერმა მურათ ზორლოღლუმ უმასპინძლა, რომელმაც ფესტივალის ორგანიზატორთან, ესმა ალა თურქმენთან ერთად ტარიელ ხარხელაშუს ფესტივალის უმაღლესი ჯილდო „პოეზიის ცოცხალი ლეგენდი“ ორდენი გადაეცა. ღონისძიებას ესწრებოდა ცნობილი ქართველოლოგი, არაერთი ქართული ნაწარმოების თურქულ ენაზე მთარგმნელი პროფ. ჰარუნ ჩიმქე. ტრაპიზონის მერმა მურათ ზორლოღლუმ მადლობა გადაუხადა გორის სახელმწიფო უნივერსიტეტის რექტორს, პროფ. გიორგი სოსიაშვილს, ტრაპიზონის საერთაშორისო ლიტერატურული ფესტივალის მხარდაჭერისთვის, მისი თქმით თურქეთის და საქართველოს კულტურული ურთიერთობის გაღრმავების თვალსაზრისით ასეთი აქტივობების განხორციელება ძალზე მნიშვნელოვანია და მსგავს ღონისძიებებს ტრაპიზონის მერიის მხრიდან აუცილებლად ექნება ხელშეწყობა. მან დიდი პატივისცემა გამოხატა ტარიელ ხარხელაშ-



რის მიმართ, რომლის სახელმა განსაკუთრებული მნიშვნელობა შესძინა ფესტივალს. დაჯილდოების ცერემონიალის შემდეგ ქართულ დელეგაციას ტრაპიზონის უნივერსიტეტის ლიტერატურის ფაკულტეტზე უმასპინძლეს,- ნათქვამია ინფორმაციაში.

რის უნივერსიტეტის ლიტერატურის ფაკულტეტზე უმასპინძლეს,- ნათქვამია ინფორმაციაში.

მსოფლიო ჩემპიონატის მედალი მალე დედოფლისწყაროში იქნება ნიკა ჩიტიშვილი მსოფლიო ჩემპიონატის პრიზიორია

10-13 ნოემბერს რუსეთის დედაქალაქში გაიმართა მსოფლიო ჩემპიონატი ხელჩართულ ბრძოლებში. აღნიშნულ ტურნირზე დედოფლისწყაროს უშუს გუნდში აღზრდილი ნიკა ჩიტიშვილიც მონაწილეობდა (მწვრთნელი გიორგი ცისკარაული). ტურნირში, სადაც 30 ქვეყნის ორასზე მეტი სპორტსმენი მონაწილეობდა, ჩვენმა მებრძოლებმა ორი ბრინჯაოს მედალი მოიპოვეს. დედოფლისწყაროელმა ნიკა ჩიტიშვილმა სამი ბრძოლა გამართა და მესამე ადგილზე გავიდა. „ჩვენთვის პირველი მსოფლიო დონის ტურნირი იყო. შევხვდით ალბანელ და ვენესუელელ სპორტსმენებს, რომლებსაც მოუფუგე. განსაკუთრებით დასამახსოვრებელი იყო ბრძოლა ვენესუელელთან. დავემარცხდი, სამწუხაროდ, ყირგიზ სპორტსმენთან“-ამბობს ნიკა ჩიტიშვილი, რომელმაც საქართველოს ბრინჯაოს მედალი მოუტანა.

ეს ნიკასთვის პირველი მონაწილეობა იყო მსოფლიო ჩემპიონატზე და პირველივეზე შეძლო მედლის მოპოვება, მან ბრინჯაოს მედალი მოიპოვა. ნიკამ აღნიშნულ ტურნირზე შეძლო ალბანელი და ვენესუელელი მეტოქეების დამარცხება და მხოლოდ ნახევარფინალური ბრძოლა დათმო ყირგიზ მეტოქესთან. ნიკა ამჟამად ვარჯიშს თბილისში კლუბ „ვარიორსში“ აგრძელებს-ამბობს გაზეთ „შირაქთან“ საუბრისას მისი მწვრთნელი ბიორბი ცისკარაული.

შეგახსენებთ, რომ 20 წლის ნიკა ჩიტიშვილი MMA - ში, უშუსა და კიკ ბოქსინგში ევრაზიის თასის მფლობელი, ევროპის ჩემპიონი, საქართველოს მრავალჯგზის ჩემპიონი, ასევე არაერთი რეგიონული და საერთაშორისო ტურნირის გამარჯვებულია.



ა მ ი ნ დ ი				დ ე დ ო ფ ლ ი ს წ ყ ა რ ო			
ორშაბათი 22.11 დღე	სამშაბათი 23.11 ღამე	ოთხშაბათი 24.11 დღე	სუთშაბათი 25.11 ღამე	პარასკევი 26.11 დღე	შაბათი 27.11 ღამე	კვირა 28.11 დღე	ღამე
12°	3°	6°	-2°	4°	-4°	5°	-3°
8°	3°	6°	-2°	8°	-2°	9°	0°
9°	0°	9°	-1°				

გამომცემელი შპს „შირაპი“
დირექტორი ინგა შიოლაშვილი
რედაქტორი ნაირა გორაშვილი-პოპიაშვილი
წერილში მოყვანილ ფაქტებსა და ციფრებს პასუხს ავებს ავტორი.

სარედაქციო კოლეგია: შუშუნა ყანაშვილი (ჟურნალისტი); ელზა ხარაშვილი (სტილისტ-მენეჯერი); ხათუნა ბენაშვილი (კორექტორი); ნათელა ზოსტაშვილი (ბუღალტერი); ნინო ჯანაშვილი (ოფის-მენეჯერი); მზინა ქანჭავაძე (საქმის მწარმოებელი).
გაზეთი აიწყო და დაკაბადონდა „შირაპის“ კომპიუტერულ ბაზაზე. ყოველკვირეული გამოცემა იბეჭდება შ.პ.ს „კოლორ პრესის“ სტამბაში.

რედაქციის მისამართია: ქალაქი დედოფლისწყარო, ფიროსმანის №18, ტელ. 0 356 22 22-85; 598 72-18-72 (დირექტორი) 591 97-73-26 (რედაქტორი)

რეგისტრირებულია დედოფლისწყაროს რაიონის სასამართლოს მიერ, №6014-468.